

榆次縣志卷之五

田賦

定墾田數

縣中之田凡現今實在成熟地租賦所出者共八千七百有八頃零八畝四分一釐五毫

上地 凡有陂渠灌溉近河水者爲上地共八百六十五頃八十三畝五分八釐六毫其地東鄉十分之一西鄉十分之五南鄉十分之三北鄉十分之一

榆次縣志

卷五

田賦

中地 凡原隰平衍稍遠水者爲中地共二千七百二十八頃七十四畝五分七釐二毫其地東南鄉十分之二西北鄉十分之三

下地 凡汚邪卑薄者爲下地共四千九百五十二頃七十九畝四分六釐東鄉十分之四西鄉十分之一南鄉十分之二北鄉十分之三

上中下地外爲沙地磽确瘠微之地也共一百六十頃七十畝七分九釐七毫其地東南北鄉俱十分之三西鄉十分之一

舊志明萬曆三十五年官民地八千六百五十五頃八十六畝八分二釐視洪武時增三百七十八頃七十三畝蓋治平久而地益加墾也明季兵亂田卒污萊至 國朝順治中熟地八千五百四十三頃二十八畝八分三釐四毫康熙十六年檢括隱漏由是縣田實在者凡八千七百二頃四十三畝三分六釐八毫歷雍正中及今乾隆九年民人首墾田五頃六十五畝四釐七毫合前共得成熟地八千七百八頃八畝四分一釐五毫視萬曆時又加闢矣

明知縣張鶴騰曰地列水平沙鹺四等乃隆慶中知縣邢公鳳毛丈定至今賴之但各等之中徵額互異如水地等耳畦畛畦步間卽有重輕升斗參差弊竇叢生不若通融概縣之糧則四而一之地有四等糧亦止四則其中雖有肥磽之差大都亦不甚相懸庶徵催便而稽查易又曰田不必沿里清丈止按地冊改定其等總之準於原額而止令奸書點算無所庸其飛詭之

計豪勢任俠無所售其欺給之術卽穴處陋民皆曉然知田賦定數將百世永利焉按張公此言真爲邑宰者治賦宜民之要故錄之以示夫後來者採擇焉

屯田 共地三百四頃五畝九分零明制領於軍衛雍正五年裁衛所歸縣而屯田之名仍舊按上中下三則陞科其租糧屯頭於春秋二季自送大盈倉交納焉

更名田 明晉藩諸王遺產也在縣之上營張慶

榆次縣志

卷五 田賦

三

郝庄五福營賓家營黑馬營諸村地凡二百二十六頃二十七畝九分五釐一毫 國朝順治七年設山西滿洲駐防乃圈陽曲民地以與滿兵而以更名田五十三頃八十八畝四分四釐一毫撥償陽曲之民有地被圈者其租徵於地戶官爲之關解陽曲其餘存田地一百七十二頃五十九畝五分一釐其租糧亦地戶白納於大盈倉

開墾地畝 明晉藩諸王墳園府第廢址也康熙

十八年清理得荒地一項二十八畝七分一釐九毫其租糧亦地戶自送納於大盈倉

賦額

凡上地每畝徵糧九升三合內本色糧五合一勺四撮七圭七粒二粟折色糧八升七合八勺九抄五撮二圭二粒八粟地畝九釐站銀三項每畝共徵銀九分四釐三毫零

凡中地每畝徵糧七升一合內徵本色糧三合九勺四抄九撮四圭八粒三粟折色糧六升七合

榆次縣志

卷五

田賦

四

五抄五圭一粒七粟地畝九釐站銀三項每畝共徵銀七分四釐九絲零

凡下地每畝徵糧二升四合九勺內徵本色糧一合三勺六抄三撮四圭二粒九粟折色糧二升三合五勺三抄六撮五圭七粒一粟地畝九釐站銀三項每畝共徵銀三分一釐八毫零

凡沙礫瘠地每畝徵糧二升七勺三抄內徵本色糧一合三勺六抄四撮九圭五粒五粟折色糧一升九合三勺六抄五撮四粒五粟地畝九釐

站銀三項每畝共徵銀二分七釐七毫零

以上上中下沙四等之地凡民田屯田更名田皆在焉各派科則不等並乾隆三年以匠價銀項攤入地糧徵收歲凡通共四萬五千三百三兩三錢九分八釐徵本色糧二千一百九十五石八斗六升八合六勺外

戶口丁則

康熙二十三年編審共六萬二千八百七十六丁

見續志

今縣中戶口著版籍者戶凡四萬九千九

榆次縣志

卷五

田賦

五

百八十男女大口凡一十四萬二千九百五十六童小黃口凡一十二萬一千八百四十五現在凡六萬三千三百二十七丁

上上則無

上中則每丁徵銀一兩六錢五分三釐四絲

上下則每丁徵銀一兩四錢四分六釐四毫一絲

中上則每丁徵銀一兩二錢三分九釐七毫八絲

中中則每丁徵銀一兩三分三釐一毫五絲

中下則每丁徵銀八錢二分六釐五毫二絲

上則每丁徵銀六錢一分九釐八毫九絲
下中則每丁徵銀四錢一分三釐二毫六絲
下下則每丁徵銀二錢六釐六毫五絲
半下則每丁徵銀一錢三釐三毫三絲五忽
其丁差除優免外實徵均徭銀共一萬四千六百
二十二兩一錢九分八釐零

合田賦丁差地差歲共徵銀六萬二百五十三兩
四錢三分二釐

存解額數

榆次縣志

卷五

田賦

六

每歲解布政司地丁銀及解冀寧道鳴謙驛馬匹
草豆銀解太原府絲絹銀共起運者五萬八千
五百一十九兩六錢四分七釐零

每歲存留縣庫官俸役食雜支等銀共一千七百
三十三兩七錢八分五釐

鹽法

榆次舊額鹽引三千四百五十三張徵銀一千七
百八十八兩零康熙二十八年每引減銀七分
共減二百四十一兩七錢一分共解銀一千三

百八十四兩九錢一分零雍正十三年奉文每兩加半餘二分五釐共加銀三十四兩六錢二分零解銀一千四百十九兩五錢三分六釐乾隆十二年部議於太原汾州及遼沁平定忻代保德六州加鹽引四萬道榆次計當派引二千二百餘引勢莫能銷必攤派里戶知縣徐玉田知民且重困事不可行力爲詳覆得免加引今解銀一千四百十九兩五錢零如雍正中舊例云

榆次縣志

卷五

田賦

七

按舊志明時鹽院於每歲發票七千自萬歷十七年後漸增至萬票然歲徵銀不過六百兩以今較之賦且倍多於昔豈時勢有不同者乎夫太原去河東產鹽地殊遠間以山川賈運不易故解州之鹽無至太原者諸縣多漉土熬之謂之士鹽榆人亦徃徃如是然土鹽大抵苦不堪食是病於食鹽而重於供賦也設加引之議行將何以堪哉

凡商當房田牙帖酒課牲畜煤密與雜稅等每歲徵解約共二千兩上下間其或盈或縮無常定畫一之數

驛站馬匹

馮謙驛原設驛馬九十匹經裁減外今馬六十九匹每馬日支草料銀六分此原額也乾隆二年十二月內奉文每馬加增銀三分七釐三毫以作鞍韉刀鏹藥料諸費驛設馬夫三十四名半廠夫九十名

輪次縣志

卷五

田賦

八

倉儲

縣常平倉共貯穀一萬八千四百三石五斗七升社倉穀六千八十七石五斗二升在縣東陽西長寧龍白分貯共四處義倉穀共四千七百三十五石五斗在縣八達北田張慶鳴謙上黃彩分貯共六處以上諸倉共貯穀二萬九千二百二十六石有奇乾隆十三年歲數也

藉田

凡五畝田戶佃之每年徵租八石三斗三升至五

年則合所徵穀糶之其價銀除本壇祭祀外以其餘解布政司

學田

學田地凡一十七頃八十一畝三分七釐五毫四絲散在縣四鄉者四十餘處每歲其徵穀六十石六斗三升五合五勺以其半給廩生其半給貧生至其田之自起則遠不可詳云

榆次縣志卷之五

河渠

縣水惟洞渦為大澗河次之洞渦在縣南澗河在縣北今志諸渠以引洞渦者為南渠而金水牛坑諸渠溉者附焉引澗河者為北渠而寺峪東溝諸渠溉者附焉

南渠

萬春渠 渠口在縣東少南三里許大東關地界元至正二十二年民劉時敏等開引洞渦水自

榆次縣志

卷五

河渠

十

白家厓西流上為大渠一下分小渠者三灌李

村邱家小堡

即今近城村

郝家堡

即今郭家堡

榮村高村

韓村小趙西榮四營六堡地凡一百二十有餘

頃明成化間渠淤宏治十一年渠長郭志端劉

文質等乃於萬春渠北一里許別穿渠是為官

甲白渠諸村以次輪灌後郭家堡爭水利李村

人復疏白家厓以復萬春之舊然所灌止及本

村與邱家堡地三十餘頃自是萬春官甲分為

兩大渠若其使水成例則一云今萬春渠灌地

五十餘頃

按明成化中孫昌碑記萬春所灌止南關小堡李村郝家堡榮村高村其西榮諸村則萬歷二十七年始入例者其三小渠李村一渠邱家堡城南關一渠郭家堡並四營六村其一渠此一渠當時已名官甲口在西關之西三里雙橋爲三渠分水處後開新渠卽以官甲爲名仍在雙橋分水

官甲口渠 在縣東少南二里半許大東關地界

榆次縣志

卷五

河渠

十一

渠初灌李村邱家堡郭家堡榮村高村韓村小趙西榮四營六堡諸村地自李村復開萬春渠而官甲渠止灌四營七村地二百六十餘頃郭家堡藉四營官地之名擅水經年四營者東營西營南營中營皆明晉王屯地總名上萬歷三十二年知縣史記事定四營水程每季使水一十八日由是郭家堡始不得爭而六村均受其利至萬歷四十年知縣趙昌運又因各渠爭水爲定程例每年至三月二十一起木渠四營

用水九日畢七村用水八日馮慶等渠照地用
水三日訖自後每月四營用水四日半七村
用水十二日半七渠用水十三日夏秋皆然著
爲定例其後復有紛出告添水程者而成規遂
變崇禎十四年知縣張國樞盡毀新立告添水
程之碑仍照萬歷中趙昌運所定程例使不得
紊亂後小東關渠王村橙槽渠相繼入例萬春
官甲二渠勢居上流村多地廣定水一十七程
以下王村四程楊村一程半張慶四程永康一
榆次縣志

卷五

河渠

三

程半演武一程半懷仁一程半王郝一程半小
東關渠一程半每年三月二十一日子時起程
以三十四日爲一週周而復始及乾隆五年中
郝渠重開續使水一程半更期三月二十日子
時起程以三十五日半爲一週夏至後渾水漲
發任各渠脩築引灌不分程限

王村渠 在縣東少南三里大東關地界元至正
二年民范履道等開引洞渦水灌本村及張超
村橙槽渠地三十九頃九十二畝本渠使水一

程半橙槽渠例亦在本渠之內使水二程半橙槽渠作於明嘉隆間天啟初重脩國朝順治六年知縣楊三知酌復使水舊例詳張養碑記

楊村渠 在縣南八里王村地界明萬歷元年民

張廷益等開引洞渦水灌本村及南谷寇村郝庄王家堡黑馬營甯家營地一百二十四頃灌

畢入太原橫河渠灌橫河村地四頃五十畝橫河村渠於乾隆十一年始入例

張慶渠 在縣南八里王村地界元至正二年民

榆次縣志 卷五 河渠 十三

張旺等開引洞渦水灌本村及大小張義村甯家營東賈村地一百九十頃 舊志止灌本村及張義地五十餘頃

及太原橫河村地十四頃橫河村於乾隆十一年入例

永康渠 在縣南八里王村地界元中統四年民

郝信等開灌地一百頃餘

演武渠 在縣南八里王村地界元中統元年民

李公林等開灌地三十餘頃

懷仁渠 在縣西南十二里王村地界元中統元

年民王可道等開灌本村及西長壽地五十頃
懷仁與演武二渠各使水一程半明時晉藩有
桑宅地在演武界中凡使水必先灌此地後及
二渠至雍正七年懷仁村人以現在已屬民地
其演武村不得仍如舊例致使水不均訟之官
知縣鄒雙斷以時日爲限演武使水爲時二十
一計不得滿二日懷仁使水爲時十五計一日
餘仍刻斷限於石

王郝渠 在縣西南二十里懷仁村地界金皇統
榆次縣志

卷五

河渠

十四

元年民郝守道等開灌田二十頃

小東關渠 在縣東南三里大東關地界明萬歷

二十七年民李汴等開引洞渦水灌田十五頃

中郝渠 在縣東南七里明萬歷十四年民桑菲

等開灌田二頃已久淤乾隆五年民郝覺等重

開引洞渦水灌中郝東郝地二十頃方開渠時

萬春渠長撓之致訟知縣錢標令萬春等渠於

三月二十日起程俟十渠濬畢三十四日之後

中郝渠使水一程半以三士五日半爲一週曼

秋之間洪水亦得分用霜降使秋水二程永爲
例

永春渠 在縣東南三十里長寧村元至正二年
民范灑等開灌東西長寧八達三村地三十餘
頃共渠四道後三道開於明嘉靖中

西河堡渠 在縣西南三十餘里明嘉靖四十年
民范廷佑郝天濟等所開在弓村西引水由永
康鎮經過入本堡灌地三十餘頃後因去河旣
遠難於接水萬歷中重開自馬村地界引水今
榆次縣志

卷五

河渠

十五

灌地七十餘頃

陳胡渠 在縣西南十五里西長壽地界舊志有
陳胡渠元中統間民王文郁等開然非此渠也
本村人稱此爲陳胡南渠亦開於中統四年渠
久廢舊志亦未載雍正九年民張漢宰等重開
之引洞渦水灌本村及遠村白村地凡六十頃
有餘

六善渠 此卽舊志所載之陳胡渠也亦在縣西
南十五里西長壽地界康熙五十年河漲渠壞

頃今廢

以上諸渠並引澗河水

小峪口渠 在縣北三十五里小峪村南明萬曆三十二年民王朝相等開引寺峪水灌地一頃三十餘畝雍正間山水漲發湮及鄰村歲築沙堰蔽其口渠遂廢今引灌小渠皆沿河開濬不紀其數

天順渠 在中杜村南康熙五十九年民白霖等開引寺峪水灌地五頃八十四畝

榆次縣志

卷五

河渠

五

仁義渠 在鳴謙西北乾隆四年民侯維等開引寺峪河灌地二頃餘

沙渠 舊志載在縣西北二十里明嘉靖二十五年民劉廷卿等開引金水河灌地今不可考按金水河在縣西南此金水誤或云豈從清水卽寺峪水也今併入鳴李渠

沙河渠 舊志謂引山水灌中杜都地五十餘畝萬曆三十二年民張天右等開

沙溝村渠 舊志謂引沙河灌地八頃萬曆三十

至雍正八年知縣石鑑重開乃更名六善渠其引水絕遠歷由長壽陳侃褚村陳胡方至六村地其所灌者述巴北胡喬胡喬營西胡喬及徐溝縣之王方村靳村隆良村地凡百頃餘

常安渠 在縣西南三十里北胡喬地界開於明洪武八年渠起榆次之郝村引河水灌漑太原徐溝兩縣諸村猶被其利久而渠淤萬歷十二年郝村人與太原之北格村協力重開分程灌地後更通塞不常雍正八年郝村人獨濬之而

榆次縣志

卷五

河渠

十六

張花北格兩村出爭水利雍正十二年太原榆次兩縣因共立水程令郝村張花各使水十一日北格使水八日每月一週且刻石以示永久使人遵守焉渠向於王郝村南引水後河流遷徙雍正八年民穆謹等重開乃於北胡喬村南引洞澗注之

西長壽渠 在縣西南十五里本村地界乾隆十年民彭基等新開引洞澗水灌地一十有六頃太原辛村渠 在縣西南二十里馬村地界接水

明正德十年民牛志春等開灌木村地一百二十頃

郝村嘉平渠 在縣西南二十五里史家庄地界

明嘉靖三十五年民丁文沖等開後湮廢 國

朝乾隆十年復開灌木村地十餘頃

胡喬渠 舊志載明萬歷二十六年民賈弼等開

灌木村及陳胡地十餘頃今廢

永康渠 舊志載明萬歷三十二年民張第等開

灌弓村地二十六頃即永康老渠所分今廢

榆次縣志 卷五 河渠

七

上戈渠 舊志載明萬歷三十二年民胡鸞等開

灌上戈東趙地七頃四十六畝今廢

南要新渠 舊志載明萬歷三十二年民郭珍等

開灌本都郭村地十五頃今廢

西河堡新渠 舊志載明萬歷三十五年知縣王

應楫諭民郝天甫等開灌本村地三十餘頃今

廢

以上諸渠皆引洞溝水

東陽渠 在縣之東陽鎮渠口在任村南明萬歷

四十五年知縣劉似鰲使渠長畢良張文華水
甲趙希尹等開引金水河爲上流第一道接水
於東南越郭訓彭村丁里引水而西十餘里始
至東陽地分爲南北中三渠地高河下非築堰
隔河截流入渠不能使水康熙九年西陽因濬
渠與王都村爭訟不息官斷水程立石唯東陽
渠許截流引灌餘不得一例云

齊人竒東陽渠碑云河自射母東注去鎮僅數
百步從高而下迅如建瓴積漲衝齧堡壁潰陷

榆次縣志

卷五

河渠

六

約三十丈許居人惶駭侯躬臨視心揆手畫經
丁里上下改導河流穿濬成渠溉田數十頃巨
害所脫便爲永例

按東陽渠所必書者乃續志無之特採齊碑
以著其績

西陽渠 在郭訓村南明萬歷三十一年民杜廷
器等開後淤本朝康熙九年民杜應昇等重開
灌西陽西白褚村地今無褚村水程止灌西陽
地四頃餘西白地三十頃餘

王都渠 在東陽堡北明萬曆三十二年民王大雲等開舊志云引小河水即過即澗灌陳胡遠村等六村地百餘頃此水過金水渠而後可至應灌之地如二水並發則合流均灌一水獨發則塞一渠口使不至相碍今小河水渠久已淤絕所引灌者唯金水後六村中白村別開一渠要村與遠村巴志又別開渠唯陳胡與王都仍爲一渠今又無陳胡水程王都遂獨爲一渠灌地六十餘頃

榆次縣志

卷五

河渠

十九

要村渠 在東陽堡北明嘉靖四十年民楊文卿等開引金水河灌本村及王都褚村陳胡地十餘頃後王都別開渠陳胡附之褚村則附西陽使水要村渠遂與遠村巴志同分水程今又止合巴志無遠村矣要村灌地三十餘頃巴志灌地十餘頃

德音渠 在東陽堡北明萬曆二十六年民楊廷仁等開舊志引金水灌本村及巴志地十五頃後巴志附要村渠德音遂自爲一渠灌地二十

八頃

以上引金河水金水舊有九渠自五渠外有車
閘南渠萬歷二十一年民劉思元等開車閘北
渠亦萬歷二十一年民王立等開白村渠則康
熙九年民郭廷良等開北席渠亦康熙九年石
尚位等開今並廢

南要渠 在縣西南十五里明萬歷十年民常彥
辰等開引牛坑水分渠二道上渠灌北要下渠
則北要郭村兼之舊志灌地五頃今如故

榆次縣志

卷五 河渠

二十一

雙村渠 在縣南十八里萬歷三十一年民趙唐
等開引杜堡溝水一名牛耕渠分爲南北二道
南渠灌本村及小趙王香等村地共二十五頃
北渠灌本村及南要修文村地共三十餘頃兩
渠各半月分程

長壽渠 在縣西南十五里東長壽村萬歷十四
年民李定等開舊志謂引牛坑水者誤南要渠
引牛坑水在北長壽渠在南不相通渠口有溝
東達雙村之南舊有水泉今涸

溝渠 此溝無源起自縣之西窪村迤邐四十里皆地高渠下出太谷之大郭遞至縣之魏業聖許等村地勢平行與溝畧等故大郭村旁分支渠以爲灌溉次爲西卜村東渠又次爲西卜村西渠神堂溝渠魏岳田家渠最西而下夾分爲聖許村之南北兩渠每甸上五日大郭等村灌下五日魏業等村灌
以上引牛坑杜堡溝諸水

北渠

榆次縣志

卷五

河渠

三

聶店渠 在聶店村北明宣德七年民胡敦等開今謂之中渠灌本村地四頃五十畝又有上下二渠並萬曆三十八年民寇樸等開各灌本村地二頃

使趙渠 在聶店村西北元至正二年民閆子雲開故又名閆家渠引澗河水自聶村西流灌溉嘉靖間二村爭水民間福興至訟於朝渠遂壅萬曆三十六年知縣張鶴騰督使趙村民趙國寶等復開爲聶村別開一渠上使趙數十步後

使趙不樂挑濬聶村遂安享其利今仍爲聶村
渠村有天雄胡村諸溝水併入此渠舊志旣田
四十頃今灌地三十頃

張家洪水渠 在鳴謙東南三里許康熙四十年
武生張元宗開引澗河水灌地三頃餘又渠北
數武先有清水渠順治十四年武舉張和開引
河旁泉水亦灌此地

洪水上渠 在聶村北萬歷二十八年民齊公志
于宗道趙國寶等開引澗河水灌聶村田村趙
榆次縣志

卷五 河渠

三

村地三十頃
洪水下渠 在上渠西二里亦萬歷二十八年民
馬廷貴王崇信等開引澗河水灌使趙侯方地
四十頃

使張渠 在使張村東北明萬歷三十二年民李
春等開使張先有西渠後渠塞至是春等乃開
東渠本朝康熙十九年生員賈世讓等復疏西
渠引水及五十九年東渠口塌民韓國卿等移
渠口於東百餘步許今西渠灌地一十八頃東

渠灌地一十五頃

鳴李渠 在村東北明洪武二年民劉廷儀等開引澗河水舊志灌地六頃今灌鳴李楊盤六堡等村地三十餘頃又有西渠灌本村地五頃餘弘治正德年間民間閻肅等開年久淤塞萬歷二十五年民劉雲鶴等復開

秋村渠 在村東南舊志云明萬歷三十二年民李銳等開引寺峪水灌地後廢康熙四年民李乘雲等復開新渠引澗河灌本村地十七頃又

榆次縣志

卷五

河渠

村南有渠名秋村南渠灌本村地五頃及太原市庄地十頃

楊盤渠 在村東北明洪武二年民段世安等開引澗河水灌本村地四頃今以此渠爲小東渠又有西渠灌本村地六頃明萬歷三十年開

孟村渠 卽萬歷二十六年知縣張鶴騰別開者今廢

西榮渠 舊志云在縣西二十里萬歷二十五年民褚恩等開灌本村及太原溫庄王名地今廢

以上諸渠並引澗河水

小峪口渠 在村南明萬歷三十二年民王朝相等開引寺峪水灌地一頃三十餘畝雍正間山水漲發湮及鄰村歲築沙堰蔽其口渠遂廢今引灌小渠皆沿河開濬不紀其數

人歡渠 在小峪口村南三里康熙二十三年民陶洪等開引寺峪水灌流村地三十頃後湮塞乾隆十五年民李威等復開

天順渠 在中杜村南康熙五十九年民白綵等開引寺峪寺灌地五頃八十四畝

榆次縣志

卷五 河渠

三

仁義渠 在鳴謙西北乾隆四年民侯維等開引寺峪水灌地二頃餘

沙渠 舊志載在縣西北二十里明嘉靖年民劉廷鄜等開引金水河灌地按金水在縣西南此金水誤或云當作清水卽寺峪水也今不可考

沙河渠 舊志謂引山水灌中杜都地五十餘畝萬歷三十二年民張天右等開

沙溝村渠 舊志謂引沙河灌地八頃萬歷三十

二年民楊志德等開以上二渠無可考今中杜村南有長港渠五十畝渠俱引東溝水灌地東溝卽沙河疑卽其舊云

靈濬渠 在王杜村西北雍正九年民賀瑛等開引東溝水灌地六頃餘

清水渠 在中杜村東南引世佛清水分二十四程輪灌地畝

河口渠 在縣西北三十里磚井村北引山水灌地一頃二十畝開濬年月無考

榆次縣志

卷五

河渠

三五

磚井渠 在縣西北三十里磚井村北舊志稱明萬歷三十二年民張杰等開一大渠下分爲十小渠引山水灌地二十一頃今唯存頭二兩渠餘皆無跡頭渠灌地一頃二十畝二渠灌地二頃三十畝

以上引寺峪東溝諸水

凡渠前志所載今雖廢必書以存其迹其有前志未載現在行水者例當補入若前志既未載又非現在行水者則概不書以滋口實

蓋水利時廢時興視乎理勢之自然今之書者可廢不書者可興豈有一定哉至近河傍溝之水多資灌溉其灌地無多者雖有渠形亦不悉書也

說曰自古陂渠川澤之利及於民者大矣夫東南以火畬水種爲宜而西北土高旱多尤資灌溉若夫疏流導波潤膏阡陌變斥鹵爲良田轉儉年爲豐歲非渠瀆衍而水利脩哉榆次爲縣壤土埽塹煨燠常虞故農者渴水

榆次縣志

卷五

河渠

三六

若渴飲焉唐貞觀時孫湛爲令始渠洞渦教民灌田至宋桑安世復引澗河於是縣田多受灌濯然考前志所爲唐渠宋渠皆久不得而識其存最古者唯王郝渠開自金皇統初若元明之時穿渠尤衆蓋民利所在類能自興渠事旣興而水有清水洪水之分使水有限時程日之例至其爲利渠各不同而澗河所引與洞渦諸渠南北旣分其例尤別蓋澗河清水無多河流常涸必俟時雨滋滂山源

混發游波所及皆得取水而用之水或經年
不下則東西墟落數十里間渠道雖存並猶
枯瀆或川流盛作激駛悍湍如馬而下者卽
經渠口奔越不入雖有強者莫能塌而擅之
是以利常易均而爭者蓋少若洞渦會大小
涂源渦其流旣廣終歲滔滔無有止息異竹
箭之飛馳同湮泥之膏沃故雖零雨旣霑猶
必爭相引漑特其澤旣饒而弊亦叢集奸黠
之徒或賣水以市利強豪之族或擅水以自
主

私上流居勢重之原餘村以失利爲病爭端
萌起獄訟煩滋甚至羣聚鬪狠久釀仇讐屢
壩決防彼此多有雖自明代以來及於今時
其爲命者定程刻石屢俾依守然其諸弊往
往未能禁而絕也且夫渠本利民而反致紛
紜欲靖其端將施何術又渠堰之興或有開
塞不及數十年卽易更變舊志在明萬歷中
刻名記籍多至四十渠今間亦就廢何以俾
勿壞而永久也善乎明褚鈇之言曰宜各渠

定爲經制核其田畝均其夫役公其水程仍
擇人經理毋受賂私鬻刻期挑濬毋曠日費
財序次輪灌毋恃強奪利啟閉以時毋淤塞
累衆登報以實毋影占偷奸誠如是則法制
一立萬世永賴爭鬪息而訟獄省張鶴騰之
言曰地有上下口有遠近勻水澍霖誰不紛
然待命必先上渠數覆波橫方及下流至則
苗稿矣孰若一上一下遞後遞先陽年先上
渠而沿下陰年先下而遡上庶灌溉均而無

不公之嘆是二說者或得經常之道或得通
變之宜惟心存利民者斟酌其善擇而兼行
之則治渠之要盡矣

懷仁捍水堤 在懷仁村明萬歷九年民王廷美
等建

西長壽捍水堤 在西長壽村萬歷二十五年民
彭冕等建後廢 國朝乾隆十五年重建

王郝捍水堤 在王郝村萬歷十五年民郝利等
建東起郝家墳西至馬村堡後圯於水失其故

蹟 國朝乾隆十五年里民復建起泰山廟東
西接豐樂堤

演武捍水堤 在演武村明萬歷年建 國朝乾隆十五年增修東起小官橋西接懷仁堤

滄晏堤 在王村北接官道南接四渠口西至官道止乾隆十二年里民建

豐樂堤 在弓村馬村地乾隆十二年民蕭良壁羅彥士等建東接王郝村堤西南至辛村渠口止

榆次縣志

卷五 河渠

五

嘉平堤 在郝村南乾隆十四年里民建東起嘉平渠口沿渠爲堤西接太原縣張花村地界

澗澗水自樂平西下百五十里土高水下民不知利亦不知害至榆次縣治東水與土平漸引而西南數十里民資灌溉渠利斯善然而夏秋之間大雨時行山水陡發疾流急湍猛不可遏瀕河而居者屋廬田畝時被湮沒甚至渠口衝決波及數十里而遙其害亦豈淺鮮哉考舊志演武壞仁長壽王郝等村各

有捍水堤歲不無修後漸圯壞近年以來沿河村落苦墊隘悲向隅者數數矣古之治水者欲資其利必先弭其患是以鉗盧累石鏡湖築塘曹王臯之修荆南古堤范仲淹陳事言圩田門閘啟閉以時而旱潦不及凡以隄防之道不可不亟榆之人但知濬渠爲利而不務築堰以杜其害豈道也哉惟是經營有法興作有時徵發有令蚩蚩者患心力之不協則在有司率其成耳余蒞榆後時爲相度

形勢整理堤工廢者修之缺者補之有未備者拓之而王村扼四渠之要弓村馬村郝村當下流之衝其於捍水護村之計爲尤急余爲督建清晏豐樂嘉平三堤高廣如法屹然可觀落成之日民不言勞且樂其便雖然水患不可測也前功不足恃也後之宰斯土者惟嘗慮水之足以病民濬河修堰歲定其程設有泛溢不虞其事當卒成者則隨時修築以禦之毋矯強以失事毋因循以墮功則有

水之利無水之害榆之民其永獲寧宇乎

榆次縣志

卷五

河渠

三